

UNIVERZITET U BIHAĆU

telefon/faks: 387 (0) 37 222-022
adresa: Pape Ivana Pavla II 2/2,
77000 Bihać
email: rektorat@unbi.ba



UNIVERSITY OF BIHAĆ

phone/fax: 387 (0) 37 222-022
address: Pape Ivana Pavla II 2/2,
77000 Bihać
email: rektorat@unbi.ba

SENAT

Broj:06- 3810/2012

Bihać, 14.09.2012. godine

Na osnovu odredaba člana 61. i člana 218. Statuta Univerziteta u Bihaću, te Standarda i normativa za obavljanje djelatnosti visokog obrazovanja na području Unsko-Sanskog kantona (Sl. glasnik USK-a br. 12/12 od 15. maja 2012.godine), Senat Univerziteta na svojoj XXXV (tridesetpetoj) redovnoj sjednici, održanoj dana 14.09.2012.godine donio je

PRAVILNIK O ANGAŽOVANJU NASTAVNIKA I SARADNIKA UNIVERZITETA U BIHAĆU NA DRUGIM JAVNIM VISOKOŠKOLSKIM USTANOVAMA

Član 1.

Ovim Pravilnikom bliže se uređuju uslovi međusobne razmjene nastavnika i saradnika Univerziteta u Bihaću za angažman na drugim javnim visokoškolskim ustanovama, te postupak davanja saglasnosti za takav angažman.

Drugom javnom visokoškolskom ustanovom u smislu ovog Pravilnika smatra se svaka javna visokoškolska ustanova u zemlji.

Član 2.

Radi zabrane takmičenja zaposlenika sa matičnim Univerzitetom, zaposlenik se može angažovati izvan Univerziteta samo uz prethodno odobrenje Senata Univerziteta u Bihaću, kako je to i regulisano ovim Pravilnikom.

Senat ovlaštenja iz prethodnog stava može prenijeti na Rektora o čemu donosi posebnu odluku.

Član 3.

Zahtjev za davanje saglasnosti za angažman na drugoj javnoj visokoškolskoj ustanovi zaposlenik podnosi Rektor u uz prethodno pribavljeno mišljenje dekana fakulteta/VŠ.

Zaposlenik podnosi zahtjev Rektor u Univerziteta prije početka nastave u semestru, uz koji prilaže mišljenje dekana fakulteta/VŠ-e iz prethodnog stava, te zahtjev druge visokoškolske ustanove kojim se iskazuje potreba za njegovim angažmanom.

Na odluku Senata/Rektora zaposlenik koji nije zadovoljan istom, može podnijeti zahtjev za njeno preispitivanje Senatu u roku od 15 (petnaest) dana od dana prijema Odluke.

Odluka Senata iz prethodnog stava je konačna.

Član 4.

Zaposlenik koji nije pribavio saglasnost u smislu člana 3. ovog Pravilnika, ne može, u svoje ime i za svoj račun, kao ni za račun druge visokoškolske javne ustanove, učestvovati u izvođenju nastave na drugoj visokoškolskoj ustanovi.

Član 5.

Ako zaposlenik postupi suprotno odredbama iz prethodnog člana ovog Pravilnika, čini svojom krivicom povredu radne obaveze, te poslodavac ima ovlaštenje da poduzme Zakonom i normativnim aktima Univerziteta u Bihaću određene propisane mjere.

Član 6.


Univerzitet će voditi jedinstvenu evidenciju o zahtjevima za angažman i rad nastavnika i saradnika u skladu sa ovim Pravilnikom.

Član 7.

Zaposlenici koji su dodatno angažovani u nastavi na Univerzitetu (nastavnici sa 6 sati preko osnovne norme sedmično, saradnici sa 5 sati preko osnovne norme sedmično), ne mogu dobiti saglasnost za angažovanje na drugoj visokoškolskoj ustanovi, osim ako je to po ocjeni Rektora u interesu Univerziteta u Bihaću, shodno zaključenom ugovoru o međusobnoj saradnji dvije visokoškolske ustanove.

Član 8.


Ovaj Pravilnik stupa na snagu narednog dana od dana objavljivanja na oglasnoj tabli i na WEB stranici Univerziteta u Bihaću, a primjenjivat će se od početka akademske 2012/13. godine.



PREDSJEDNIK SENATA

prof.dr.sc. Refik Šahinović

Pravilnik o angažovanju nastavnika i saradnika Univerziteta u Bihaću na drugim javnim visokoškolskim ustanovama objavljen je na oglasnoj ploči Rektorata Univerziteta u Bihaću dana 26. 09.2012. godine a stupio je na snagu dana 27. 09. 2012. godine.



PREDSJEDNIK SENATA

prof.dr.sc. Refik Šahinović